

დარჩი სახლში ითამაშე სახლში

სახალისო აქტივობათა იდეების 30 დღე. ჩაერთეთ, შექმენით, ითამაშეთ, იმოძრავეთ და ისწავლეთ სახლში.

ეფუძნება განმავითარებელი თამაშის პირამიდას.
თამაშის დონეებს ფერების სახით მინიჭებული აქვს კოდები.



თითოეული აქტივობა მოიცავს ინფორმაციას:

აქტივობის შესახებ

რა გვჭირდება?

რას ისწავლის ბავშვი?

რჩევები საუკეთესო შედეგისთვის



დარჩი ითამაშე
სახლში სახლში

Thank you to our translation partners
მადლობა პარტნიორებს თარგმნისათვის



Translated in Georgian language by World Vision Georgia, 2020
ქართულ ენაზე ითარგმნა World Vision საქართველოს მიერ, 2020

©createcatt 2020

The best start in life, for the best chance in life. www.developmental-play.com

1

მოამზადეთ საძერწი ცომი სახლში



აქტივობის შესახებ

ეს არის შესანიშნავი საშუალება ბავშვისათვის, შექმნას ისეთ რამ, რასაც გამოიყენებს და რითაც ითამაშებს. დაეხმარეთ მოზელვანში, შემდეგ კი შეუძლია დამოუკიდებლად ითამაშოს ცომით. შეუძლია ძერწოს, დაჭყლიტოს, ორცხობილის ფორმებით დაჭრას, ააშენოს და გამოძერწოს ფიგურები. ფქვილის უბრალო მასა ნელ-ნელა ფუნქციური სათამაშო ნივთი ხდება.

ყველა ინგრედიენტი მოათავსეთ თასში. ერთად აურიეთ ხელეხით. ფქვილის დამატებით, მოზილეთ ისეთი ცომი, რომ ის იყოს ნაზი და „ჭყლეტვადი“, არც ძალიან მშრალი და არც ძალიან წებოვანი.

ცელოფანში შეხვეული საძერწი ცომი რამდენიმე კვირის განმავლობაში შეგიძლიათ შეინახოთ მაცივარში. საძერწი ცომი უსაფრთხოა პირში, რადგან მხოლოდ საკვები ინგრედიენტებისგან მზადდება.

რა გვჭირდება?

- 3 ჩაის კოვზი გამაფხვიერებელი
- 3 ჩაის ჭიქა ფქვილი
- ½ ჩაის ჭიქა მარილი
- 1/2 სუფრის კოვზი ზეთი
- 1 ჩაის ჭიქა წყალი (ფერადი ცომების დასამზადებლად შეგიძლიათ დაამატოთ ბუნებრივი საკვების საღებავი)

რას ისწავლის ბავშვი?

ისიამოვნებს სხვადასხვა ინგრედიენტების შერევით ისწავლის თანმიმდევრობას და სამგანზომილებიან თამაშს განივითარებს შეხების შეგრძნებას, ისწავლის მოულოდნელობის მიღებას

განივითარებს ნატივ (წვრილ) მოტორიკასა და ხელით მუშაობის უნარებს და განავითარებს მარჯვე ხელეხს

თამაშით მოცული განივითარებს ყურადღების კონცენტრირების უნარს

რჩევები საუკეთესო შედეგისთვის

ყველა ინგრედიენტი მოამზადეთ წინასწარ. ესაუბრეთ ბავშვს საძერწი ცომის მომზადების პროცესში, დაასახელეთ ინგრედიენტები, დაეხმარეთ წყლის ჩასხმაში, გაზომვაში და მორევაში, მოზელვანში. არა უშავს, თუ ცოტათი ამოივანგვლებიან ფქვილში, ბავშვებისთვის ეს სახალისო იქნება.

ჭიტა და დამალოზანა



აქტივობის შესახებ

თავიდან უბრალოდ აიფარეთ ხელები სახეზე (ასე დაიმალოთ), შემდეგ გამოჩნდით და დაიმახეთ „ჭიტა“. პატარასთვის ეს თამაში დიდი მხიარულების მომგვრელია და არასოდეს ბეზრდება. მომდევნო ეტაპზე დასამალად პლედი გამოიყენეთ, მიეცით ბავშვს საშუალება, გიპოვნოთ. შემდეგ გაცვალეთ როლები.

დამალოზანასთა თამაში შესაძლებელია სახლში ნებისმიერ ადგილას. ის ავითარებს ბავშვის წარმოსახვას, ლოდინისა და მოლოდინის განცდას და აღვივებს აღმოჩენებით სიამოვნებას.

©createcatt 2020

რა გვჭირდება?

გჭირდებათ რამდენიმე დასამალი ადგილი: საწოლის ქვეშ, ფარდის, კარის და კარადების უკან, პლედი და ბალიში. გოცდებით რამდენი ადგილის პოვნას შეძლებთ დასამალად.

რას ისწავლის ბავშვი?

ბავშვი ისწავლის თუ როგორ გაუმკლავდეს მოლოდინისა და მოუსვენრობის განცდას. როდესაც ელის, რომ უნდა იპოვონ, გამოიმუშავენს მოთმინებასა და მედეგობას სანამ გიპოვნით. ეს უნარი კარგია ბავშვში შემოქმედებითობის განვითარებისთვისაც.

რჩევები საუკეთესო შედეგისთვის

არ გახადოთ თქვენი პოვნა ძალიან რთული როდესაც დაიწყებთ თამაშს. თამაშის იდეა ის არის. რომ მათ გიპოვონ და არა ის რომ ანახოთ, რა კარგად გამოგდით დამალვა. თუ ატყობთ, რომ ბავშვი დაისტრესა მარტო ყოფნით და თავს ცუდად გრძნობს, რომ ვერ გპოულობთ, დროა გამოჩნდეთ და დაიმახოთ „აქ ვარ!“.



დარჩი ითამაშე
სახლში სახლში

World Vision

GEORGIA

ქართულ ენაზე ითარგმნა
World Vision საქართველოს მიერ, 2020

უსაფრთხო ადგილის შექმნა



აქტივობის შესახებ

ამ დღეებში, რომელიც სავსეა გაურკვეველობით, ყველა სავარჯიშო კარგია რომელიც ბავშვს ეხმარება თავი იგრძნოს უსაფრთხოდ და დაცულად.

რა არის იმაზე უკეთესი გზა, თუ არა სამალავის (ე.წ. „შტაბის“) აშენება. ბავშვებს უყვართ მისი ტყეში, ან ეზოში გაკეთება, თუმცა სახლშიც შეგიძლიათ მისი აგება სახლის ნივთების გამოყენებით. სამალავის და „საცოხვრებელი“ სივრცეების შექმნა ავარჯიშებს სახლის შენების და მომავლის აგების უნარებს. ის ასევე ეხმარება ბავშვებს თავი იგრძნონ უსაფრთხოდ. გამოუყავით ბავშვს სივრცე სახლში, სადაც ის შეძლებს სამალავის აშენებას: მაგიდის ქვეშ, მათ საძინებელ ოთახში. მას შეუძლია შექმნას უსაფრთხო სამყარო, თავისი წარმოსახვითი სამყარო მის სათამაშოებთან ერთად, ანდაც, უბრალოდ წაიკითხოს წიგნი უსაფრთხო, მყუდრო სივრცეში.

©createcatt 2020

რა გვჭირდება?

სივრცე

პლედეზი, ბალიშები, საბნის კონვერტები, სკამები,

სარკები/სამაგრები

ჩამოცურებადი

ნივთების

დასამაგრებლად.

რას ისწავლის ბავშვი?

როგორ იგრძნოს თავი უსაფრთხოდ

თავდაჯერებულობა

მიკუთვნებულობა

დაგეგმვა, ორგანიზება და პრობლემის გადაჭრა/გამოსავლის ძიება

შემოქმედებითობა და წარმოსახვა

რჩევები საუკეთესო შედეგისთვის

შეიძლება თქვენთვის ეს დიდ აურ-ზაურად გამოიყურება, მაგრამ გახსოვდეთ ეს ბავშვისთვის ჯადოსნური ადგილი იქნება. წახალისეთ ბავშვი შეიტანოს მისი საყვარელი სათამაშოები შიგნით. შეიძლება იქ წახემსებაც მოეწონოს. მიეცით ბავშვებს შესაძლებლობა ააგონ სამალავი. დიდი შანსია საათები გაატარონ ბედნიერად იმ სივრცეში, რომელიც თავად შექმნეს. წახალისეთ.



შექმენი ამბავი



აქტივობის შესახებ

ეს კიდევ ერთი აქტივობაა, რომელიც ავითარებს წარმოსახვასა და სილადეს. აარჩიეთ ხუთი სრულიად შემთხვევითი საგანი, რომლებიც გაქვთ სახლში. ეს შეიძლება იყოს სათლი, ქურთუკი, თევზი, ფანქარი და საფულე. დააწყვეთ ეს საგნები თქვენს წინ სთხოვეთ ბავშვს შეთხზას ამბავი, რომელშიც მან ყველა ამ ნივთის დასახელება უნდა გამოიყენოს. ნახეთ, რა საოცარი იდეები მოუვიათ.

©createcatt 2020

რა გვჭირდება?

საყოფაცხოვრებო ნივთები
იუმორის გრძნობა
დრო

რას ისწავლის ბავშვი?

მოქნილობა და წარმოსახვა
თანმიმდევრობა
წარმოსახვა
ჩარჩოებს მიღმა ფიქრი
ორგანიზებულობა
ენა, მეტაფორების გაგება და შემოქმედებითი აზროვნება

რჩევები საუკეთესო შედეგისთვის

მოგონილი ამბების თხრობაში არ არსებობს სწორი და არაწორი. მიეცით ბავშვის წარმოსახვას თავისუფლება. თუ ბავშვს აქვს საყვარელი სათამაშო, შეგიძლიათ შესთავაზოთ მისი დამატებაც შერჩეულ ნივთებთან ერთად. ეს კარგია იმისათვის, რომ ბავშვმა მეტად მოახდინოს ამბის პერსონალიზაცია. ამის შემდეგ შეგიძლიათ, სთხოვთ, დაწეროს, ან დახატოს მისი მოგონილი ამბის ის ნაწილი რომლითაც ყველაზე მეტად ისიამოვნა.

5

წყლით თამაში



აქტივობის შესახებ

ეს აქტივობა შეიძლება გაკეთდეს აბაზანაში, სათლის, წყის რეზინის მილის (ე.წ. „შლანგიტო“). სახლში მისი განხორციელება შეიძლება სააბაზანო ოთახში, ან სამზარეულოში, ანდა გარეთ სახლის ეზოში, ან აივანზე, - ყველგან სადაც მარტივად შეიძლება იატაკის მომშრალეობა, ან წყალს შეუძლია მიწაში ჩასვლა. დარწმუნდით, რომ დასველებისას იატაკი მოსრიალებადი არაა. ხელთან ახლოს იქონიეთ პირსახოცი, თუ ბავშვს დაჯდომა ან დადგომა მოუწდება.

იდეა ის არის, რომ ბავშვს საშუალება მისცეთ აქტიურად იმოძრაოს წყალში, იჭყუმალოს, აშნაფუნოს, დაესხას და გადაივლოს წყალი. მიეცით ბავშვს საშუალება იმხილუროს, ხელებისა და ფეხების წყალში ამოძრავებით დააკვირდეს, როგორ იცვლის წყალი ფორმას, მიმართულებას. აღმოაჩენინეთ მათი ხელებისა და ფეხების მოძრაობა, რა ეფექტს ახდენს წყალზე (შხეფები, ტალღები).

აჩვენეთ მათ როგორ ჩაასხან წყალი ერთი სათლიდან მეორეში. როგორ ჩაბერონ ბუშტები საწრუპით, ან როგორ შეაშხეფონ წყალი ტერფებით.

რა გვჭირდება?

- ბევრი წყალი
- სათლი ან ჯამი/თასი
- საწრუპი
- პირსახოცი ან ნაჭერი

რას ისწავლის ბავშვი?

- გამომწვევი მიზეზი და შედეგი.
- როგორ შეიძლება საკუთარი სხეულის გამოყენებით მოახდინონ გავლენა მათ გარშემო არსებულ სამყაროზე.
- აღქმა და შესაბამისი რეაგირება.
- წინასწარ განჭვრეტა და გაოცება. ვარაუდი.
- მოულოდნელობის სიხარული.

რჩევები საუკეთესო შედეგისთვის

არ იდარდოთ დასველებაზე, ისაიმოვნეთ თქვენს ბავშვთან ერთად, ისინი ძალიან ბევრს ისწავლიან ამ აქტივობით. ისე დაგეგმეთ აქტივობა რომ მნიშვნელობა არ ჰქონდეს წყალი რას დაასველებს.

წახალისეთ ბავშვი, რომ დაგეხმაროთ დალაგების პროცესში, ამით ისინი ისწავლიან საკუთარ მოქმედებაზე პასუხისმგებლობის აღებას. ეცადეთ, წინასწარ შეატყოთ როდის იღლება, ან წყინდება თამაში, რომ დაღვება-მოწესიერების პროცესი მანამდე დაიწყეთ.

©createcatt 2020

6

იმღერე და იცეკვე



აქტივობის შესახებ

იმღერე და იცეკვე ბავშვთან ერთად. მიეცით ბავშვს შესაძლებლობა შეიგრძნოს საკუთარი სხეული სივრცეში და ამ დროს თავი კარგად იგრძნოს. არის მიზეზი იმაში, თუ რატომ მოსწონთ ადამიანებს რიტმული მუსიკა: ის აღვიძებს რაღაც სიღრმისეულს მათში.

ერთად იცეკვეთ, მაგალითად, სარკის წინ, შეგიძლიათ ჩაიცვათ განსხვავებულად და ისე იცეკვოთ. მოძებნეთ რჩეული მოძრაობები ინტერნეტში. როცას სახლიდან ვერ გადიხართ ეს დაგეხმარებათ დახარჯოთ ენერჯია. დაუკარით/ჩართეთ მუსიკა ხმამაღლა.

©createcatt 2020

რა გვჭირდება?

სხვადასხვაგვარი მუსიკა: სწრაფი, ნელი, მშვიდი, მხიარული, კლასიკური და თანამედროვე. შეიძლება შეარჩიოთ რამდენიმე რამ რითაც იცეკვებთ, ზაფთები, მარაოები, ბუმბულები. Youtube მუსიკისათვის, ცეკვის ილეთების, მოძრაობების შესარჩევად. თავისუფალი სივრცე ცეკვისთვის და ბევრი ენერჯია დასახარჯად.

რას ისწავლის ბავშვი?

განუვითარებს გამოხატვის თავდაჯერებულებას და გამბედაობას, მოქნილობას, მათ გარშემო სამყაროში სხვადასხვა მოვლენებზე რეაგირების უნარს. ეს მას უფრო თავდაჯერებულს გახდის.

რჩევები საუკეთესო შედეგისთვის

ზოგი მელოდია უფრო მეტად მოეწონება ბავშვს ვიდრე სხვა. იდეა ის არის, რომ საშუალება მისცეთ მას თავად აარჩიოს მუსიკა. მიაწოდენ სხვადასხვა რიტმები და ხმები, რომ მოახდინოს შესაბამისი რეაგირება, მოერგოს ხმებს და სხეულით გამოსახოს სხვადასხვა მოძრაობები, ისე, როგორც მას სურს.

დაამზადე განსაკუთრებული ყუთი



აქტივობის შესახებ

ეს არის ძალიან კარგი აქტივობა უსაფრთხოების განცდის შექმნაზე მუშაობისას და ბავშვებს უყვართ ის. ბავშვი ყველა მხრიდან აფერადებს ყუთს ნებისმიერ ფერად, რაც მას სურთ. შემდეგ რთავს გარეთა მხარეს. ამის შემდგომ რთავს შიდა მხარეს რაიმე რბილი მასალით და ათავსებს მის საყვარელ ნივთებს შიგნით. ხშირ შემთხვევაში ეს აქტივობა რეალურად აძლევს ბავშვებს მათ სამყაროზე კონტროლის შეგრძნებას და ისინი ნამდვილად ამაყობენ საკუთარ ნამუშევრით.

©createcatt 2020

რა გვჭირდება?

ნამცხვრის ყუთი, ან ბურღულუქის ყუთი, ან ერთჯერადი ხელსაწმენდის მუყაოს ყუთი ან ფეხსაცმლის ყუთი.
საღებავები, ფუნჯები, წებო
კოლაჟის/გარეკანის დასამზადებელი მასალები, ნამცხვრის მოსართავი ფერადი ბურთულები, ბრჭყვიალები, სტიკერები, ბუმბულები
ბამბა ან ქაღალდის ხელსაწმენდები.

რას ისწავლის ბავშვი?

თვით-გამოხატვა
სივრცის, განზომილებისა და ფორმების აღქმა
მათემატიკური უნარები, ყუთის მხარეების დათვლისას, მაგალითად..
თვითშეფასება
თავდაჯერებულობისა და მიღწევის განცდა
კონტროლის და უსაფრთხოების შეგრძნება

რჩევები საუკეთესო შედეგისთვის

პატარა ასაკის ბავშვებს დაეხმარეთ დაითვალონ ყუთის მხარეები. ესაუბრეთ, როგორ სურთ, მორთონ გარედან და შიგნიდან. შიდა მხარე არის უსაფრთხო, რბილი სივრცე და მათ შეუძლიათ განსაკუთრებული ნივთები შეინახონ მასში. შეანახინეთ ის, როგორც განსაკუთრებული ყუთი, რომელიც ამავდროულად მათი შემოქმედებითობის შედეგი იქნება. ასევე შეგიძლიათ კითხოთ, რა არის მათთვის ყველაზე სანუკვარი რამ მათ ცხოვრებაში და ისიც შეინახონ/მოიცვან ყუთში.



დარჩი ითამაშე
სახლში სახლში

World Vision

GEORGIA

ქართულ ენაზე ითარგმნა
World Vision საქართველოს მიერ,
2020

ჩურჩულის გადაცემა



აქტივობის შესახებ

ესაა უბრალო ჯგუფური თამაში ბავშვებისთვის, რომელიც მშვენიერია მოსმენის უნარების განვითარებისთვის. დასვით წრეზე, ერთი ბავშვი მოიფიქრებს მარტივ წინადადებას და ჩასჩურჩულებს მის გვერდით მჯდომს ისე, რომ სხვამ არაფერი გაიგოს. დაშვებულია მხოლოდ ერთხელ ჩაჩურჩულება, მსმელმა უნდა გადასცეს ჩურჩულით მის გვერდით მჯდომს, რაც გაიგო. ბოლო ადამიანი ვინც მოისმენს წინადადებას ხმამაღლა ამბობს მას და ყველა გაიგებს, თუ რამდენად შეიცვალა ის.

©createcatt 2020

რა გვჭირდება?

წყნარი ოთახი სივრცე წრეზე დასაჯდომად
ბავშვები და ზდასრულები, ესმით ერთი ენა.

რას ისწავლის ბავშვი?

- მოსმენის უნარი
- მოთმინება
- როგორ ვისაუბროთ ჩუმად
- თვით-კონტროლი
- ინტერპრეტირების უნარი

რჩევები საუკეთესო შედეგისთვის

თუ მოთამაშეთა ჯგუფი მრავალენოვანია წახალისეთ რომ გამოიყენონ ისინი, ეს მართლაც ეხმარება მოსმენის უნარის განვითარებას და აყალიბებს კომუნიკაციის ცნობიერ გზებს. დარწმუნდით, რომ ყველა მონაწილეობს. დაუშვებელია, ვინმეს დადანაშაულება, ან საყვედური, როცა წინადადება არასწორად იქნება გაგებული. ან გადაცემული.. ეს არის მოსმენის სწავლის მხიარული გზა!

შექმენი შემთხვევითი ხელოვნების ნიმუში



აქტივობის შესახებ

ეს არის შესანიშნავი აქტივობა იმისთვის, რომ ბავშვებმა აღმოაჩინონ, რამდენად განსხვავებულად იქმნება ანაბეჭდები და გამოიყენონ თავისი სხეული ხელოვნების შესაქმნელად.

დაახლოებით საღებავები პლასტმასის თავსახურზე ან დიდ ლანგარზე, შემდეგ გაშალეთ დიდი ზომის ფურცელი. გაზეთის ან ე.წ. „დუბლიაჟის“ ქაღალდი არის მშვენიერი ამისთვის. ამის შემდგომ ბავშვებს მიეცით საყოფაცხოვრებო ნივთები, რომ გადაიტანონ ფურცელზე მისი ანაბეჭდი და გააფერადონ. მიეცით ბევრი განსხვავებული, მასალა სანამ ფურცელი არ დაიფარება და ისინი მზად იქნებიან დასრულებისთვის.

©createcatt 2020

რა გვჭირდება?

პლასტმასის თავსახურები ან ლანგარი.
სხვადასხვა საყოფაცხოვრებო ნივთი - კვერცხის სათქვეფი, ჭურჭლის სარეცხი ღრუბელი, თმის ჯაგრისი სავარცხელი, მტვრის საწმენდი ბუმბული, ბუხის საკლავი, სარეცხი და სახეხი ჯაგრისები, ფრჩხილის ფუნჯი, - ნებისმიერი რამ რასაც აქვს საინტერესო ფორმა და ზედაპირი.

რას ისწავლის ბავშვი?

მიზეზი და შედეგი, რისკების აღმოჩენა და გაბედავა, თამაშის და სპონტანურობის უნარი, მოქნილობა, მხიარულება ბალანსის და კოორდინაციის განვითარება თანმიმდევრობის უნარები გაოცება ყურადღების კონცენტრირების უნარი.

რჩევები საუკეთესო შედეგისთვის

ამ აქტივობის შედეგად შეიქმნება საყვარელი შესაფუთი ქაღალდი, მაგრამ არ იდარდოთ, თუ ძალიან გაერთობიან და ყველაფერი დაიხვევა და დაიშლება, რადგან ბავშვები ძალიან ბევრს ისწავლიან უშუალოდ პროცესში. უმჯობესია აქტივობა გარეთ გაკეთდეს, ან ისეთ ადგილას, რაც ადვილად დასუფთავდება შემდგომ. ხელთან იქონიეთ ნაჭერი დასუფთავებისთვის.



დარჩი ითამაშე
სახლში სახლში

World Vision

GEORGIA

ქართულ ენაზე ითარგმნა
World Vision საქართველოს მიერ,
2020

მეხსიერების თამაში



აქტივობის შესახებ

ეს არის შესანიშნავი თამაში ბავშვის კოგნიტური უნარების განვითარებისთვის. მისი თამაში შესაძლებელია საყოფაცხოვრებო ნივთების გამოყენებით. მოათავსეთ 10 წინასწარ შერჩეული ნივთი ლანგარზე, მაგალითად, სავარცხელი, სარჭი, კოვზი, ფანქარი და სხვა ნებისმიერი ნივთი. დაფარეთ ისინი ჩაის ტილოთი, ან რამე ნაჭრით, შემდეგ, ბგანათავსეთ ბავშვის წინ. მოხსებით ტილო და ერთი წუთის განმავლობაში მიეცით ბავშვს დრომ რომ დაიმახსოვროს ნივთები.. შემდეგ დაფარეთ, ისევ ნაჭრით და წაიღეთ ლანგარი. მიეცით ბავშვს 2 წუთი, რომ ჩამოწეროს ყველა ნივთი, რომელიც ახსოვს.

©createcatt 2020

რა გვჭირდება?

10 ან მეტი ყოველდღიური მოხმარების ნივთი
ფურცელი და ფანქარი
მაგიდა, რომელსაც მიუჯდება ბავშვი

რას ისწავლის ბავშვი?

დაკვირვების უნარი
მეხიერება
წერა
წნების ქვეშ მუშაობა - შესანიშნავი საგამოცდო უნარია!
დაბეგმვა და ორგანიზება.

რჩევები საუკეთესო

შედგისთვის

ეს არის კარგი აქტივობა შედარებით უფროსი ასაკის ბავშვისთვის და შესაძლებელია გახდეს ძალიან კონკურენტული, ითამაშეთ რამდენჯერმე, და დააკვირდით, დამახსოვრების რა სტრატეგიებს შეიმუშავენ ბავშვი. აქციეთ ის სახალისოდ, თუ რამდენიმე ბავშვთან ერთად ხართ. შეგიძლიათ შესთავაზოთ, რომ რიგრიგობით მოამზადონ მეხსიერების ნივთების ლანგარი.

სავარჯიშო წრედი შინ



რა გვჭირდება?

მყარი ავეჯი - მაგ.სკამები;
რბილი ჭილოფები, ბალიშები;
ნებისმიერი ნივთი, რომელიც ბავშვებისათვის
დაბრკოლებების შესაქმნელად გამოდგება.

რას ისწავლის ბავშვი?

ორგანიზება, ბალანსის დაცვა და თანმიმდევრულობა;
თვით-კონტროლი,
სიმარჯვე და კოორდინაცია;
მსხვილი მოტორული უნარების განვითარება;
ვიზუალური დაგეგმვის უნარ;
ყურადღების კონცენტრირება

რჩევები საუკეთესო შედეგისათვის:

მეტი ეფექტისათვის შეგიძლიათ აქტივობაში ჩართოთ სახლისო
შეჯიბრის ელემენტები, ან ბავშვს დაუნიშნოთ დრო, რომელშიც
სავარჯიშოს თავი უნდა გაართვას. შემდეგ სთხოვეთ გააუმჯობესოს
მიღწეული შედეგი; აგრეთვე შესაძლებელია, რიტმისა და სმენის
ელემენტების შემოტანა, მაგ: როდესაც შესაძახებთ „გაშეშდი“ უნდა
შეწყვიტოს მოძრაობა და განაგრძოს მხოლოდ სათანადო ნიშნის
მიღების შემდეგ. ეცადეთ თქვენს სახლში არსებული სივრცე რაც
შეილება საინტერესოდ და კრეატიულად გამოიყენოთ
დავალებისათვის სათანადო გარემოს მოწყობისას.

აქტივობის შესახებ

ეს არის აქტივობა ჭარბი ენერჯის სრულად დასახარჯად.
აქტივობისათვის აუცილებელია მოვაწყოთ უსაფრთხო
სივრცე ხტუნვის, სირბილის, ბალანსის გავარჯიშებისათვის
და მოძრაობისათვის. შექმნით დაბრკოლებების წრედი
ოთახ(ებ)ში, რომელსაც ბავშვი გაივლის, მაგალითად
„კიბეზე არბენა, ბალიშებზე გადაკოტრიალება, სალტოს
გაკეთება დივანზე, სამზარეულოს დასაგებზე გადახტომა,
ლოგინზე გადაგორება,ა.შ.

©createcatt 2020

მობილურით შექმნილი ფილმები



აქტივობის შესახებ

ეს აქტივობა ზედა დონის თამაშია, რაც ეხმარება პატარებს საკუთარ თავში კინორეჟისორი აღმოაჩინონ.

თითქმის ყველა სმარტფონს და ტაბლეტს გააჩნია სტოპ-კადრებით მოძრავი ანიმაციის აწყობის ფუნქცია. გამოიყენეთ სახლში არსებული საინტერესო ნივთები რომ შექმნათ 15-30 წამიანი ამბავი ფილმად. შეგიძლიათ გამოიყენოთ ნებისმიერი ნივთი - ფურცელი, კალამი, ხილი, სამზარეულო აღჭურვილობა, ნებისმიერი რამ, რაც ამბის საინტერესოდ გადმოცემაში დაგეხმარებათ. სთხოვეთ ბავშვებს, მოემზადონ და გადაღების შემდეგ წარმოადგინონ თავიანთი ნამუშევრები. შეგიძლიათ, მეტი მხიარულებისათვის რამდენიმე ასეთი ფილმი გადაიღოთ და საღამოს „ოსკარით დაჯილდოების ცერემონია“ მოაწყოთ.

©createcatt 2020

რა გვჭირდება?

სახლში არსებული სხადასხვა საინტერესო ნივთი
სმარტფონი, პლანშეტი, ფოტო აპარატი

რას ისწავლის ბავშვი?

წარმოსახვა და შემოქმედებითობა;
დაგეგმვა და თანმიმდევრულობა;
მოთმინება;
ორგანიზება და ვიზუალიზაცია;
ნატიფი (წვრილი) მოტორიკა.

რჩევები საუკეთესო შედეგისათვის

თუ ბავშვს ან მოზარდს დახმარება სჭირდება, შეახსენეთ, რომ ყველა ამბავს აქვს დასაწყისი, განვითარება და დასასრული. თუ ბავშვები ოდნავ მოზრდილები არიან, შეგიძლიათ, შემოქმედებით პროცესში ჩართოთ კომპიუტერი და შედარებით უფრო რთული პროგრამებიც შესთავაზოთ, თუკი ეს შესაძლებელია. თუმცა სმარტფონებიც აბსოლუტურად საკმარისია საოცარი შედეგის მისაღებად, მათი დღევანდელი შესაძლებლობების გათვალისწინებით.

ბალიშებით ბრძოლა



რა გვჭირდება?

ბალიშები და ლოგინის სხვა თეთრეული. გადასაფარებელი, რომელიც ოდნავ თუ შეილახა, არ იდარდებთ; თავისუფალი სივრცე ოთახში; ბავშვები ულევნი ენეგით ☺

რას ისწავლის ბავშვი?

საკუთარი სხეულის ძალების აღქმა; ფიზიკური ნდობის განცდას სხვა მიმართებით; კონტროლი და თვითრეგულაცია; დიდი და მლიერი გრძნობების გამოხატვა; საკუთარი სხეულის შეცნობა.

აქტივობის შესახებ

ხშირად ჩვენ ვცდილობთ ხელი შევუშალოთ ბავშვებს ასეთ თამაშში, თუმცა როდესაც სახლში ხართ გამოკეტილი, მსგავსი აქტივობა კარგი საშუალება დაგროვილი ენერჯის სრულად დახარჯვისათვის, თუკი არავის არაფერს დაუზიანებს და ძალიან დიდ ხმაურს არ გამოიწვევს. რაც მთავარია, ბავშვებს, ძალიან მოსწონთ ის. მათ შეუძლიათ გამოავლინონ თავიანთი ფიზიკური შესაძლებლობები და „გადავიდნენ ყირაზე“ და გაერთონ. უმჯობესია ეს საწოლზე გააკეთონ, რომ არ იყოს დაბრკოლებები, აგრეთვე დაცული იყოს ბავშვის უსაფრთხოება.

რჩევები საუკეთესო შედეგისათვის

თუ შიშობთ, რომ თამაშისას ბავშვებს ფიზიკურ ზიანი არ მიაღვეთ სთხოვეთ მათ, შემოიღონ და დაიცვან წესები აღნიშნულისაგან თავდაცვის მიზნით. სცადეთ, აუხსნათ, რომ თამაში გართობისთვისაა და არა ერთმანეთისათვის ტკივილის ან ზიანის მისაყენებლად. ბავშვები შეეცდებიან თავად გააკონტროლონ და დაარეგულირონ საკუთარი ქცევა, მაგრამ დარჩით მათთან ახლოს, იმ შემთხვევაში, თუ ბავშვი არ გრძნობს თავად კარგად და უსაფრთხოდ, სწრაფად შეძლოთ დახმარება, წესების დროულად შეხსენება, აგრეთვე, საჭიროების შემთხვევაში, ბოდის მოხდა და სიტუაციის გაანალიზებაში დახმარება, თ როგორ გაუმკავდეს პროცესს. ეს ეხმარება ბავშვს თანაგრძობის, თანაგანცდისა და სხვა სოციალური უნარების განვითარებაში.

©createcatt 2020

ტყლარწი



აქტივობის შესახებ

ეს აქტივობა დიდწილად სენსორულ განვითარებას უკავშირდება, სადაც ბავშვს შეუძლია შეეხოს და შეიგრძნოს მკვეთრ ფერებში გაფერადებულ ფაქტურას, რომელიც არცთუ ისე მიმზიდველია, მაგრამ პირველივე შეხებისთანავე იქცევა მსუბუქ ბლანტ ჯადოსნობად მათ ხელეებში.

მოზრდილ კონტეინერში შეურიეთ ერთმანეთს სიმინდის ფქვილი, საკვები საღებავი და წყალი. უნდა მიიღოთ შესქელებული მასა. მიეცით მოზარდს შესაძლებლობა, ჩაყოს ხელები მიღებულ მასაში და მოჭყლიტოს, დაატყაპუნოს, ამოწელოს იგი, ათამაშოს ხელში შეგრძნებების ბოლომდე გამოსაცდელად. ტყლარწი თითებთან თამაშისას მიიღებს სხვადასხვა ფორმებს, როგორც მაგიდაზე, ისე ჰაერში თამაშისას.

©createcatt 2020

რა გვჭირდება?

- 2 პაკეტი სიმინდის ფქვილი;
- 2 ფინჯანი წყალი; საკვები საღებავი;
- მოზრდილი კონტეინერი;
- წინსაფარი.

რას ისწავლის ბავშვი?

- მიზეზ-შედეგობრიობის დადგენას;
- მოულოდნელი შეგრძნებების მიმართ მიმდებლობის გაზრდას;
- განსხვავებულობების შეგრძნებას;
- ფაქიზი და მსხვილი მოტორული უნარების გამოყენებას;
- ყურადღების მობილიზებას შემოქმედების პროცესში.

რჩევები საუკეთესო შედეგისათვის

არასოდეს აიძულოთ ბავშვი მიიღოს მსგავს აქტივობაში მონაწილეობა, რადგანაც ზოგიერთი მათგანისათვის მსგავს ნივთებთან შეხება, შესაძლოა, განსაკუთრებულ გამოწვევასთან იყოს დაკავშირებული. ასეთ შემთხვევაში, მიეცით საშუალება დააკვირდნენ აქტივობის მიმდინარეობას და თამაშმა თავად „შეიტყოს“ ისინი, რომ შეძლონ პროცესის ბოლომდე გაკონტროლება და მხოლოდ მას შემდეგ ჩაერთვა, როდესაც მზად იქნებიან ამისათვის. წახალისეთ მოზარდი სიტყვებით გამოხატოს შეგრძნებები ან გამოსახოს ისინი ტყლარწით თამაშისას (მაგ: „ღიმილი, „წებოვანი“, „გრლი“, ა.შ.

მუსიკალური ქანდაკებები



აქტივობის შესახებ

შესანიშნავი თამაში ენერჯის შემოქმედებითა და დასახარჯად. ჩართეთ ბავშვებს საყვარელი მუსიკა და წახალისეთ იცეკვონ თავისუფლად. შემდეგ მათთვის მოულოდნელად შეაჩერეთ მუსიკა და სთხოვეთ გაშემდნენ. თუ მუსიკის გაჩერების შემდეგ გაინძრევიან, ტოვებენ თამაშს, ან „კარგავენ სიცოცხლეს“. თამაშში მონაწილე ბავშვების რაოდენობის გათვალისწინებით შესაძლებელია „სიცოცხლეების“ რაოდენობის გაზრდა, თუ გსურთ, რომ თამაში დიდხანს გაგრძელდეს. როდესაც ყველა „სიცოცხლე“ ამოეწურება, ბავშვი ტოვებს თამაშს და გამარჯვებული ის, ვინც ყველაზე ბოლოს დარჩება თამაშში.

©createcatt 2020

რა დაგვჭირდება?

მუსიკა;
მუსიკის დასაკრავი რაიმე მოწყობილობა;
სივრცე.

რას ისწავლის ბავშვი?

თვითგამოხატვა და მოსმენის უნარი;
თვითრეგულაცია - მოქმედებების მყისიერად შესრულების უნარი, მაგალითად როცა მუსიკა ჩერდება
სხეულის შეცნობა
აქტივობის კონტროლი, აღტაცების რეგულირება

რჩევები საუკეთესო შედეგისათვის

გახადეთ თამაში მაქსიმალურად სახალისო. პატარა ბავშვებს შესაძლოა არ სურდეთ წაგება, ამიტომ დარწმუნდით, რომ აძლევთ შესაძლებლობას, რომ შემდეგ რაუნდში ჩაერთოს, მუსიკის ხელახლა ჩართვისას. თამაში ეხმარება ბავშვს შეგუების (გამძლეობის) უნარების გამომუშავებაში, აღტაცებიდან უძრავ მდგომარეობაში გადასვლისას და პირიქით. როგორც წესი, ბავშვებს თამაშისას უხდებათ წაგებით მოგვირეც იმედგაცრუებასთან გამკლავებაც, მაგრამ მათ მაინც ძალიან უყვართ ეს თამაში და მისით გამოწვეული მრავალფეროვანი გამოცდილებილებები.

წიგნი ჩემს შესახებ



აქტივობის შესახებ

ეს არის აქტივობა, რომლის გაკეთებაც ნებისმიერ დროსაა შესაძლებელი და შესაძლოა რამდენიმე დღე მოიცვას. თამაშის მიხედვით ბავშვი ადგენს წიგნს საკუთარ თავზე. ერთად აკინძმეთ 4-5 ფურცელი, ან გახვრიტეთ და ლამაზი ბაფთით შეკარით. პირველ გვერდზე დაახატინეთ საკუთარი ხელის ანაბეჭდი.

ხელის გულზე უნდა დაიწეროს ბავშვის სახელი და გვარი, ხოლო თითებში ასაკი, საყვარელი ფერი, საყვარელი საჭმელი, იმედი/ოცნება და ისეთი რამ, რაც არ მოსწონს. მეორე გვერდზე განათავსებენ სხვადასხვა ჟურნალ-გაზეთებიდან ამოჭრილ მასალას (ნებიესმიერს, რაც მოსწონთ), მესამე გვერდი ეთმობა საკუთარ პორტრეტს, ხოლო მეოთხე - მათთვის საყვარელ მოვლენებს.

©createcatt 2020

რა გვჭირდება?

4-5 ცალი A4 ან A3 ფორმატის ფურცელი (თითო ბავშვისთვის თითო ასეთი 4-5 ცალიანი შეკვრა);
ფერადი პასტელები ფაქტურები, ან მარკერები;
წებო, ლენტო
ძველი ჟურნალ-გაზეთები
მაკრატელი

რას ისწავლის ბავშვი?

თვითგამოხატვა და თავდაჯერებულობა;
მიკუთვნების განცდა და საკუთრი თავის პატივისცემა;
ნატიფი/წვრილი მოტორიკა;
დაგეგმვა და ორგანიზება;
თანმიმდევრულობა; წიგნიერება.

რჩევები საუკეთესო შედეგისათვის

ეს აქტივობა დაგეხმარებათ დააკვირდეთ და შეიტყოთ ბევრი ახალი რამ იმის შესახებ, თუ როგორ ხედავს და აღიქვამს თქვენი შვილი მის გარშემო არსებულ სამყაროს. გახსოვდეთ, რომ არ არსებობს შეცდომები და სწორი ნაბიჯები როდესაც საქმე ხელოვნებას ეხება. ესაუბრეთ მათ იმის შესახებ, რასაც ქმნიან და დაუმატეთ ფურცელი, თუ წიგნში რაიმეს დამატების სურვილი გაუჩნდებათ.

საპნის ბუშტებით თამაში



რას ისწავლის ბავშვი?

- მიზეზ-შედეგობრიობის დადგენა;
- წინასწარგანსაზღვრა;
- აღქმა და რეაგირება;
- ღეჭვისა და მეტყველებისათვის საჭირო კუნთური მოტირიკა;
- პროგნოზირება, მოულოდნელობისგან გაოცება;
- ვიზუალურ-სივრცითი უნარების განვითარება, თვალის მიდევნება;
- კისრის განვითარება;
- ოცნება, წარმოსახვა, ვარაუდი.

აქტივობის შესახებ

ბავშვებს უყვართ საპნის ბუშტების გაშვება, მათი ყურება, დადევნება. დასხედით თქვენს ბავშვთან ერთად და გაბერეთ საპნის ბუშტები, შემდეგ კი დააკვირდით მათ საით გაფრინდებიან, როგორ იმოძრავენ, გახეთქეთ ☺

რა გვჭირდება?

საპნის ბუშტები - შეიძლება იყოს სახლში დამზადებული საპნითა და წყლით, ან მაღაზიაში შეძენილი;
საპნის ბუშტების გასაბერი - შეგიძლიათ დაამზადოთ რკინის მათულისაგან (სხვადასხვა ზომის) სახლის პირობებშიც.

რჩევები საუკეთესო შედეგისათვის

აქტივობის გაკეთება შეგიძლიათ საბაზანოში, ოთახში ან ღია ცის ქვეშ. ეცადეთ თამაში მაქსიმალურად სახალისო იყოს პატარასთვის, წახალისეთ ისინი რომ გამოედევნონ საპნის ბუშტებს, შეეხონ ხელით და ბუშტების გახეთქვისას გამოეცით მხიარული ხმები; აგრეთვე შეგიძლიათ, სთხოვოთ მათ შეეხონ გაბერილ ბუშტებს სხულის სხვადასხვა ნაწილით იმის მიხედვით თუ რა ზომისაა ბუშტი. დაურთეთ ამ პროცესს მუსიკა ან შექმენით საპნის ბუშტებზე თქვენი საკუთარი სიმღერა.

©createcatt 2020

ქვებისა და ტაფების ორკესტრი



აქტივობის შესახებ

ეს აქტივობა რიტმებისა და მუსიკის შექმნაზეა, თუმცა მხოლოდ საოჯახო ნივთების - ქვების, ტაფების, სათლები, კოვზებისა და საწურების გამოყენებით. (შეგიძლიათ გამოიყენოთ ყველაფერი, რაც ხმას გამოსცემს). წახალისეთ ბავშვი თვითონ მოძებნოს შესაბამისი ნივთები სამზარეულოს კარადაში. შემდეგ კი გამოცადეთ სხვადასხვა რიტმები ერთად, შეუწყვეთ ერთმანეთს სხვადასხვა ხმები, შექმენით ორკესტრი. რაც უფრო მეტი მონაწილე ჰყავს თამაშს, მით უფრო სახალისოა. შეგიძლიათ გაცვალოთ ხოლმე როლები ორკესტრში. ეცადეთ ამ ჟრიამულისას გამოხატოთ სხვადასხვა ემოცია. გაკვირვებული დარჩებით რა სასიამოვნო შეიძლება იყოს მუსიკის შექმნის პროცესი.

©createcatt 2020

რა გვჭირდება?

ქვები, ტაფები, კოვზები, სათლები - ნებისმიერი საოჯახო ნივთი, რაც საინტერესო ხმას გამოსცემს; საკვების ჩხირები ან სხვა რაიმე ნივთი სადირიჟოროდ; ვიდეო ჩამწერი (მაგ. სმარტფონი) - თუ გსურთ რომ ჩაიწეროთ თქვენ მიერ შექმნილი მუსიკა და ან მოუსმინოთ ნამდვილ ორკესტრს შთაგონებისთვის.

რას ისწავლის ბავშვი?

სმენის უნარი, თანმიმდევრულობა; ბგერების განხვავებისა და განაწილების უნარს; თვითგამოხატვა; ორგანიზება; რეგულირება და ყურადღებაის კონცეტირება დირიჟორის მიყოლისას; მუსიკის მნიშვნელობის დაფასება

რჩევები საუკეთესო შედეგისათვის

გაითვალისწინეთ, რომ ქვებისა და ტაფების ორკესტრში სწორი და მცდარი ქმედებები არ არსებობს! გაოცებული დარჩებით, როგორ შეიძენს მუსიკა რიტმებს თავისთავად, მიუხედავად თავდაპირველი ერთი შეხედვით, ქაოტური „ბრაგა-ბრუგისა“ ☺. მიეცით ბავშვებს საშუალება თავის ნებაზე დაარტყან ნივთებს საკრავი ჯოხები, იმისათვის, რომ თავად მიაგნონ სასურველ რიტმებს და გამოხატონ საკუთარი გრძნობები.

მაფებით ხატვა



აქტივობის შესახებ

ეს კარგი აქტივობაა წერისწინარე უნარების განვითარების ხელშეწყობისათვის, რადგან ამ აქტივობის შესრულებისას ბავშვი ბავშვი გაააზრდობს მოტორულ კონტროლს, თვალისა და ხელის კოორდინაციას, ვიზუალური მიყილოლას (თვალის მიდევნებას). პროცესში სახალისოა.

მომზადეთ პალეტები ან საღებავიანი თეფშები. დადეთ ფურცელი მაგიდაზე, თუ გაქვთ სკოჩი, კარგი იქნება, რომ სკოჩით ადამაგროთ ფურცელი მაგიდაზე. ჩააწეთ მაფები საღებავში და გაუსვით ის ფურცელზე. საღებავიანი მაფების ფურცელზე გასმით, გახახუნებით, მსუბუქად დარტყმით. დაწვეთებით შეიქმნება სხვადასხვა ეფექტები. მიეცით ბავშვს საშუალება თავად აღმოაჩინოს სხვადასხვა სტრატეგიები.

©createcatt 2020

რა გვჭირდება?

სხვადასხვა სიგრძისა და სისქის მაფები, მოხარშული მაკარონი, ფართე ჭურჭელში განთავსებული საღებავები.
ფურცლები
წინსაფარი

რას ისწავლის ბავშვი?

მიზეზ-შედეგობრივი კავშირი;
წვრილი (ნატიფი) მოტორიკა; ვიზუალური მიყოლა
წერის წინარე მოტორული კონტროლი
თანმიდამდეგრულობა, ყურადღების კონცენტრაცია
კონტროლი და მოთმინება

რჩევები საუკეთესო შედეგისათვის

თუ ბავშვს არ სიამოვნებს საღებავზე შეხება, შეგიძლიათ მაფებს დაამაგროთ სარჭი, რომლითაც შეძლებს ბავშვი მასზე დამაგრებული მაფი ფურცელზე გაავლოს, გაუსვას. დააკვირდით რას ქმნის ბავშვი, მაგალითად ხაზებს, მიმდევრობას. შეგიძლიათ გადაკვეთთ ფურცელი და ნახოთ რა ლაქები და ფორმები შეიქმნება შემთხვევით.

მიეცით შესაძლებლობა ბავშვს ცოტა იექსპერიმენტატორის ფერებით და სხვადასხვა ფაქტურებით

სხეულის შეცნობა და ბალანსი



რა გვჭირდება?

საწოლი, ბალიშები
დრო და ფიზიკური ძალა

რას ისწავლის ბავშვი?

სხეულის შეცნობა და ბალანსი
ნდობა
ფიზიკური შესაძლებლობების შეცნობა
კომუნიკაცია და წარმოსახვა
ყურადღება და ძალების შეგრძნება

აქტივობის შესახებ

შესანიშნავი თამაშია თქვენი და ბავშვის ფიზიკური აქტიურობისათვის, რაც შინ შეგიძლიათ წაითამაშოთ. თამაშისას თქვენ ხდებით ბავშვის „ავატარი“. ბავშვი სწავლობს სხეულის ბალანსს თქვენს მუხლებზე, ისე, როგორც ეს ფოტოზეა მოცემული. ამ გზით ბავშვი მოგზაურობაში შეგიძლიათ გააქროლოთ. გამოძრავდით მარჯვნივ-მარცხნივ, წინ და უკან. ეს შესაძლოა გადაზარდოთ წარმოსახვით თამაშში: მაგალითად, ვითომ, ბავშვი თვითმფრინავია, სუპერგმირი, რომელიმე ფრინველი, რომელიც მათ სურთ.

რჩევები საუკეთესო შედეგისათვის

ეს თამაში შესაძლებელია ითამაშოთ ყველა ბავშვთან, რომელსაც უკვე აქვს ჯდომის ბალანსი, მათ მოსწონთ ამგვარი მოძრაობები, ასევე სიამოვნებთ თქვენ სხეულთან კონტაქტი. მჭიდროდ მოკიდეთ ხელი, დარწმუნდით, რომ კარგად გიჭირავთ და უყურეთ ბავშვის თვალებს. – თუ ბავშვი შეშფოთდა ან შეეშინდა, ასე უმაღლესე შეამჩნევთ. ძალიან ხშირად მოუწოდებთ ბავშვებს ამის თამაში. ამ თამაშის საწოლზე შესრულება უკეთესია, იმიტომ, რომ ასე უფრო უსაფრთხოა ორივესთვის, რაც საშუალებას მოგცემთ თამაში სახალისო და უფრო მრავალფეროვანი გახადოთ.

სუპერგმირის ფარი



აქტივობის შესახებ

სუპერგმირის თამაში ძალიან მნიშვნელოვანია, როცა ბავშვები გრძნობენ, რომ ვერ აკონტროლებენ სამყაროს მათ გარშემო. ეს თამაში მათ აძლევთ შესაძლებლობას ძლიერებად იგრძნონ საკუთარი თავი და გაუმკლავდნენ სირთულეებს. ეს არის უბრალოდ ერთერთი აქტივობა, რისი გაკეთებაც შეიძლება ამ თემაზე. ბავშვი ამზადებს სუპერგმირის ფარს და ამით ის საკუთარ თავს გამოხატავს, თუ როგორ დაამზადა ეს ფარი, რა მასალები გამოიყენა (სახლში არსებული მასალებიდან) მისი დამზადების დროს. ამ აქტივობას შეიძლება მოყვეს მოთხრობა სუპერგმირზე, ან როლური თამაში, რაც დაეხმარებათ მათ სირთულეებთან გამკლავებაში. ეს არის თავდაჯერებულობისა და თვითშეფასების ამაღლების აქტივობა.

©createcatt 2020

რა გვჭირდება?

მუყაოს დაჭრილი ფარის ფორმები (შეიძლება იყოს მარცვლეულის ყუთი ან ნებისმიერი მყარი მუყაოს ბარათივით)
საღებავები, ფერადი ფანქრები და ცარცი
მარკერები
წებო
ნებისმიერი რამ გასაფორმებლად ღილები, ბრჭყვიალა, ბზინავი ქაღალდები, ვერცხლისფერი ქაღალდი ე.წ. ფოლგა

რას ისწავლის ბავშვი?

ვითგამოხატვია
წარმოსახვა
თავდაჯერებულობა
წვრილი (ნატიფი) მოტორიკა
შეცნობა მეტაფორულ ენა

რჩევები საუკეთესო შედეგისათვის

სუპერგმირის ფარის დამზადების დროს არ არსებობს სწორი ან მცდარი შედეგი, მიეცით ბავშვს საშუალება გამოხატოს ის, რას მას სურს. დააფასეთ ის, რასაც ის გააკეთებს პროცესში და მერეც, რომ თავი კარგად იგრძნონ. მიეცით შესაძლებლობა ისაუბროს, რა მასალა გამოიყენა ფარის დამზადებისთვის, ეს მათ უფრო თავდაჯერებულებს გახდის. გადაულეთ სამახსოვრო ფოტო იმ ფართან, რომელიც მათ იცავს.

ანაბეჭდები



აქტივობის შესახებ

ეს შესანიშნავი თამაშია იმისათვის, რომ ბავშვმა აღმოაჩინოს და დააფასოს, თუ რა ხდება მის გარშემო. სახლში ნაპოვნი ნებისმიერი ნივთის გამოყენებით, მიეცით მას საშუალება ჩააწოლ საღებავებში და გააკეთონ ანაბეჭდები. გოცებულნი დარჩებით იმ ნამუშევრებით, რასაც ბავშვები ყოველდღიური ნივთების ანაბეჭდებით შექმნიან. შეგიძლიათ გამოიყენოთ გაჭრილი ბოსტნეული, ან უკვე მეორადი მასალები. რამდენი ნივთი ქმნის ნაირ-ნაირ ანაბეჭდს. თუ თქვენ გაქვთ დიდი ზომის ყავისფერი ქაღალდი, შეგიძლიათ დაამზადონ საჩუქრების შესაფუთი.

©createcatt 2020

რა გვჭირდება?

- საღებავი - ასორტირებული/სხვადასხვა ფერის, თუ შესაძლებელია ქაღალდი
- სახლში მოძიებული ნივთები
- ბოსტნეული, საყოფაცხოვრებო ნივთები
- საღებავების ჩასაწყობი
- გამლილი, ბრტყელი სივრცე ოთახში სამუშაოდ

რას ისწავლის ბავშვი?

- ხელისა და თვალის კოორდინაცია
- მიზეუ-შედეგობრიობა
- ფერების ამოცნობა და ფერების ნარევი

რჩევები საუკეთესო შედეგისათვის

შესაძლებელია სხეულის ნაწილებით ანაბეჭდების გაკეთებაც, მაგრამ ამ შემთხვევაში გირჩევთ ეს სააბაზანოში გააკეთოთ, რადგან ცოტა შეიძლება დაითხვაროს ირგვლივ. მიეცით ბავშვს საშუალება შემოგთავაზოთ ნივთები, აღმოაჩინეთ რა ანაბეჭდებს აკეთებენ. ამ პროცესით შესაძლებელია ენობრივი უნარების განვითარების ხელშეწყობაც. სთხოვეთ, აღწეროს რას ამსგავსებს ანაბეჭდს, რას ხედავს?

შექმენი სამყარო



აქტივობის შესახებ

ამ აქტივობის შესრულება შეიძლება რამდენიმე დღის განმავლობაში. დაიწყეთ მუყაოს ბრტყელი ნაჭრით. ბავშვს შეუძლია გააკეთოს ბორცვაკები და მთები დაქუცმაცებული, დაკუჭული ქაღალდით, რომელსაც თქვენ დაამაგრებთ მუყაოზე სკოჩით, შემდეგ ერთად შეგიძლიათ დახატოთ გზები, მდინარეები, მინდვრები. ასევე, ბავშვს შეუძლია ააგოს შენობებიც მეორადი მასალებისგან, ჩადგას ხეები სახლში მოძიებული ნებისმიერი მასალისგან. დაეხმარეთ მას შექმნას სამყარო, რომელსაც თავად აკონტროლებს.

©createcatt 2020

რა გვჭირდება?

დიდი მუყაოს ნაჭერი, ძველი გაზეთები ან მეორადი მასალები საღებავები და ფუნჯები
მეორადი მასალები - მარცვლეულის ყუთები, ქსოვილის ყუთები, ძველი პლასტმასის ბოთლები, მაკრატელი, თეთრი წებო.
ნებისმიერი მასალა გასაფორმებლად, რაც გაქვთ, ტუალეტის ქაღალდის რულონები და სხვა.

რას ისწავლის ბავშვი?

დაგეგმარება, წარმოსახვა და ვიზუალიზაცია
წვრილი (ნატიფი) მოტორიკის უნარები
ორგანიზებულობა
თვითშეფასება
კონტროლი და იმედი შეგრძნება
შემოქმედებითობა

რჩევები საუკეთესო შედეგისათვის

დაეხმარეთ ბავშვს ამ სამყაროს აგებაში, მაგრამ არ მართოთ ის, საშუალება მიეცით ბავშვს თავად მოახდინოს საკუთარი სამყაროს ვიზუალიზაცია. ამის შემდეგ, ბავშვს შეუძლია ითამაშოს სათამაშოებით მის მიერ შექმნილი სამყაროში და იამაყოს კიდევ ამით. ეს მის განვითარებას უწყობს ხელს და აღჭურავს ცხოვრებისეული უნარებით.

ფერადი ცინულის დნობა



აქტივობის შესახებ

ეს აქტივობა მოიაზრებს ფერადი ცინულის კუბურები დნობას წყალში და დაკვირვებას იმაზე, თუ როგორ საოცრად, იცვლება და ერთმანეთში ირევა ფერები მათი დნობისას. ეს ჯადოსნობაა, უბრალოდ ამ აქტივობისთვის წინასწარ მომზადებაა საჭირო. მაგ; დრო ფერებით შეზავებული ცინულის კუბურების მომსამზადებლად.

ამი შემდეგ შეღებილი ცინულები მოათავსეთ წყლით სავსე თეთრ, ან გამჭვირვალე თასში. დააკვირდით დნობის პროცესს, როგორ ერწყმის და ირევა ფერები ერთმანეთში. ამ აქტივობისთვის უმჯობესია გქონდეთ რეზინის/სილიკონის ფორმა ცინულის კუბურების შესაქმნელად, ბავშვს გაუადვილებს მისგან ცინულების ამოღება და განივითარებს ნატიფ მოტორიკას. ასევე ისწავლის, რას ნიშნავს ცივი და მოლიპული.

რა გვჭირდება?

საკვების საღებავები ან ჩვეულებრივი საღებავები
წყალი
ფორმების ცინულის კუბურების შესაქმნელად დიდი თასი ან კონტეინერი (სასურველია გამჭვირვალე ან თეთრი)

რას ისწავლის ბავშვი?

მიზეზ-შედეგობრიობა
მოთმინება და დაკვირვების უნარი
გარემოებების შეცვლის შედეგად, საგნებისა და მოვლენების (სახე)ცვლილება
სამეცნიერო აღმოჩენები
აღქმა და რეაგირება
გაოცება
მოქნილობას

რჩევები საუკეთესო შედეგისათვის

უკეთესია, რომ მუქი ფერის საღებავი ბოლოს დაამატოთ, წინააღმდეგ შემთხვევაში, ის ყველა ფერს გაამუქებს. მიეცით ბავშვს საშუალება შეიგრძნოს და დააკვირდეს ცინულის დნობის პროცესს და ფორმებს. აღწერეთ და ახსენით, რატომ დნება ცინული. ამით ის მიზეზ-შედეგობრივ კავშირებს გაიაზრებს, ასევე დააკვირდება და აღმოაჩენს თუ რა არის ცხელი, ცივი, მყარი და თხევადი.

©createcatt 2020

სპექტაკლობანა



აქტივობის შესახებ

წაახალისეთ ბავშვი, შეთხზას ამბავი, რომელიც მას მოსწონს და მიეცით მისი დადგმის სახით წარმოდგენის შესაძლებლობა. გამოიყენეთ ნებისმიერი რამ ჩაცმულობისთვის. ბავშვისათვის საკმარისია ისიც, რომ რამე შემოიცვას და შევიდეს მისი მოგონილი პერსონაჟის როლში. მიეცით მათ დრო დაგეგმვისათვის და რეპეტიციისთვის. ძალიან მოეწონება, თუ შექმნით წრიულ სცენას სკამებით. თუ შეძლებთ გადაუღეთ კიდეც, რომ თავადაც ნახოს მისი სპექტაკლი.

©createcatt 2020

რა გვჭირდება?

ძველი ტანსაცმელი, ქსოვილის ნაჭრები, ძველი ქუდები და მოსასხამები/შარფები, აბრეშუმის ნაკუწები, ლენტები, ძველი ფეხსაცმელი და პლედები. ხელჩანთები, პლასტიკური ჭიქები, ხელჯოხები. ნებისმიერი სხვა სახის ფორმა ან ტანსაცმელი მობილური ტელეფონი ან კამერა გადაღებისთვის

რას ისწავლის ბავშვი?

თავდაჯერებულობა
გამოხატვა
სოციალური უნარები
თანაგანცდა (ემპათია) სხვების გაგების უნარი

რჩევები საუკეთესო შედეგისათვის

დაუკარით ტაში და გახსოვდეთ, რომ სასურველია სპექტაკლის შემდეგ გაესაუბროთ მასზე. ბავშვს შეუძლია შემოუშავოს პროგრამა, მოაწყოს სცენა, წარმოიდგინოს თავი, როგორც კინოვარსკვლავი, ნებისმიერ პერსონაჟი რეალური თუ წარმოსახვითი, მას აქვს მრავალფეროვანი შესაძლებლობები თვითგამოხატვისა და აღმოჩენებისთვის. შესაძლოა დადგას მისი საყვარელი სატელევიზიო შოუ და სხვა.

წრეზე შექმნილი ნახატი



აქტივობის შესახებ

ეს არის სახალისო აქტივობა ბავშვებისთვის, რომელთაც უყვართ ხატვა და განვითარებული აქვთ სიმბოლოური აზროვნება (ანუ შეუძლიათ საგნებსა და მოვლენებზე იფიქროს წარმოსახვით, სიმბოლოებით). აქტივობის თამაში შეიძლება იმ ბავშვებთანაც, რომელთაც დაწყებული აქვთ სიმბოლოების/ ნიშნების გამოსახვა. აქტივობის არსი იმაშია, რომ ერთ ნახატს ქმნით მორიგეობით თითოეული თითო დეტალის დამატებით. ჯერ ბავშვი დასვამს პირველ მონახაზს, შემდეგ თქვენ, შემდეგ ისევ ბავშვი. აქტივობა სახალისოა ორზე მეტ პირთან ჯგუფშიც. თითო ადამიანს აქვს თავისი ფურცელი, რომელზეც ხატავს მაგ. ადამიანის თავს კისრით. ეს ფურცელი სხვას უნდა გადასცეს. გადაცემადე კი თავის დახატული უნდა გადაკეცოს ისე, რომ თავი დაიფაროს და კისრის მცირე მონაკვეთი ჩანდეს. შემდეგი ადამიანი ამატებს სხეულს, შემდეგი - კიდურებს, შემდეგი - ხელებს ფეხებს და ა.შ. ბოლო ადამიანი ნახატს ასრულებს ტერფების მიხატვით.

რა გვჭირდება?

თეთრი ქაღალდის ფურცლები - თითო თითო
ბავშვისთვის, პირისათვის
ფანქრები ან პასტელები

რას ისწავლის ბავშვი?

ჯერის/რიგის დაცვა
წვრილი (ნატიფი) მოტორიკა
მხედველობა
წარმოსახვა
ინტუიციის უნარი
შემოქმედებითობა და არავერბალური კომუნიკაცია

რჩევები საუკეთესო

შედეგისათვის

შეეცადეთ, არ დაეყრდნოთ მეტყველებას ამჯერად და ხელი შეუწყვეთ ბავშვის ტვინის მარჯვენა ნახევარსფეროს მიერ „განკარგულ“ უნარებს: შემოქმედებითობა, ინტუიცია, ვიზუალიზაცია. თუ შექმნით ადამიანის ფიგურას, შეგიძლიათ დაარქვათ სახელი, ერთად გამოიგონოთ მისი ამბავი. ხშირად ძალიან სასაცილო ფიგურები გამოდის. კარგია ბევრი სიცილი!

©createcatt 2020

ასოებით თამაში



აქტივობის შესახებ

ეს არის აქტივობა, რომელიც ხელს უწყობს ბავშვის ენობრივი უნარის განვითარებას. აქტივობა იმ ბავშვებისათვისაა, ვინც უკვე იცის დამარცვლა, ასობგერების ცნობა. დაასახელეთ ასო და წაახალისეთ ბავშვი შემოიაროს სახლი/ოთახი და მოიძიოს ის 4 ნივთი, რომელიც იწყება დასახელებულ ასოზე. მაგალითად, ასობგერა „ს“, მათ უნდა იპოვონ სარკე, სკამი, სათამაშო და სათლი! დაასახელეთ სხვა ასოებიც და დაასახელეთ ნივთების სხვა რაოდენობებიც, იმის მიხედვით, თუ რამდენად გავრცელებულია ეს ასო!

©createcatt 2020

რა გვჭირდება?

არ არის საჭირო სპეციალური მასალები, საჭიროა მხოლოდ დაკვირვებულობა და ასოების ცნობის და დამარცვლის უნარი.

რას ისწავლის ბავშვი?

- წიგნიერება და მათემატიკური უნარები
- მოთმენა
- მეხსიერება
- საგნების ცნობა
- მხედველობის უნარები
- პრობლემების გადაჭრის უნარი

რჩევები საუკეთესო შედეგისათვის

თუ ერთამაშებით ერთზე მეტ ბავშვს, დანიშნეთ დრო, ვინ უფრო, მალე იპოვნის დასახელებული რაოდენობის ნივთებს დასახელებულ ასაოებზე. შეგიძლიათ შეთანხმდეთ დამატებით ქულეებზე, თუ შემალულ ნივთებს იპოვნის ბავშვი. მიეცით მათ საშუალება მათად დაასაელონ ასო თქვენთვის. ბავშვებს მოსწონთ იმის დანახვა, რომ თქვენ მზად ხართ გამოწვევისთვის!

თეფშზე შექმნილი სამყარო



აქტივობის შესახებ

ხომ ამბობენ საქმლით თამაში არ შეიძლებაო, მაგრამ ეს აქტივობა შესანიშნავი გზაა წარმოსახვის და არასტანდარტულად აზროვნების განსავითარებლად. შექმენით მითიური სამყარო თქვენი სადილისაგან, ან სხვა საკვებისგან, ბოსტნეულისგან, თეფშზე. მაგალითად, კარტოფილი ვითომ ლოდებია, ბროკოლი - ხეები, არაჟანი, - ფუმფულა ღრუბლები, ბრინჯი კი კენჭებია სანაპიროზე. რა შეიძლება იყოს ცხარე სოუსი, ან კეტჩუპი? დაეხმარეთ, ბავშვს შექმნას გემრიელი ამბავი.

რა გვჭირდება?

ნებისმიერი საკვები, რომელიც სახლში გაქვთ, ან თქვენი სადილი.

ვიდეო ჩამწერი, ან მობილური ტელეფონი ნამუშევრის სამახსოვრო ფოტოს გადასაღებად, თუკი ბავშვები მოისურვებენ.

რას ისწავლის ბავშვი?

წარმოსახვა და შემოქმედებითობა
არასტანდარტული აზროვნება
პრობლემების გადაჭრა
ენობრივი უნარები
დაგეგმვა და ვიზუალიზაცია

რჩევები საუკეთესო შედეგისათვის

თუკი ბავშვი შექმნის გასაოცარ ისტორიებს თეფშზე შექმნილ სამყაროზე, შეგიძლიათ გააგრძელოთ ეს თამაში და სთხოვეთ მას, დახატოს ეს სამყარო, ასევე შეგიძლიათ, შეეკითხოთ, თუ რა მოხდება შემდეგში, „მთაბე მეტი ამ სამყაროს პერსონაჟების შესახებ?“ „როგორები არიან ისინი?“ „რა ხდება მათ თავს?“ თქვენ აღმოაჩენთ სრულად ახალ წარმოსახვით სამყაროს.

©createcatt 2020

ქალღმის ქუდები



აქტივობის შესახებ

ეს არის როლური და წარმოსახვითი თამაში. ბავშვი იყენებს გაზეთებს, ან ნებისმიერ სხვა ქალღმს ქუდის დასამზადებლად. როგორი ტიპის ქუდი მოსწონს? მზარეულის ქუდი? გვირგვინი? ჯადოქრის ქუდი? წაახალისეთ ბავშვი, რომ ჩაიხედონ სარკეში ახალი დამზადებული ქუდით თავზე და გაესაუბრონ ახალ მეს. სახალისო და შემოქმედებითი თამაშია სხვადასვა ტიპაჟების აღმოსაჩენად. თუ ბავშვს სურს, შეუძლია გააფერადოს ქუდი, გააფორმოს სხვადასხვა დეტალით.

©createcatt 2020

რა გვჭირდება?

გაზეთი ან ნებისმიერი სხვა უბრალო ფურცელი
მაკრატელი
სკოჩი ან სტეპლერი
პასტელები ან მარკერები
სარკე

რას ისწავლის ბავშვი?

თვითგამოხატვა
თანმიმდევრულობა, დაგეგმვა და პრობლემების გადაჭრა
წარმოსახვა და მოქნილობა
როლის გათავისება
თავდაჯერებულობას და თვითგაცნობიერება

რჩევები საუკეთესო შედეგისათვის

თუ ქუდის გაკეთებაში დახმარება სჭირდება ბავშვს, შეაშველეთ ხელი. შესაძლოა, მათ მოეწონოთ სურათის გადაღება ახალ ქუდებში. სამახსოვრო ფოტოს გადაღებაც ესიამოვნებათ ალბათ. გადაუღეთ, თუ ამის სურვილი აქვთ!



სახალისო სიმღერები



აქტივობის შესახებ

ეს სახალისო საოჯახო თამაშია, სადაც შესაძლებლობა გაქვთ, ითამაშოთ, ხმებით მელოდიებით, სიტყვებით, რიტმით. ეს თამაში ყველა ასაკის ბავშვთან შეგიძლიათ ითამაშოთ. იფიქრეთ რომელიმე ხმაზე, ან მელოდიაზე, გაახმოვანეთ ამ ხმით, ან მელოდიით ერთი სიტყვა, შემდეგ ეცადეთ გალექსოთ ეს სიტყვა. სცადეთ სხვადასხვა მელოდია, რიტმი ხმები, სიტყვები. შექმენით სახალისო სიმღერები: მაგ., „ციყვი, მიყვი, ნიყვი“, „ბუმ, ბუმ, ღუმ, ღუმ პაც“ © და ა.შ.

©createcatt 2020

რა გვჭირდება?

თქვენი ხმა
ინსტრუმენტები, საყოფაცხოვრებო ნივთები,
სურვილისამებრ

რას ისწავლის ბავშვი?

გამეორება/მიზაძვა
მოსმენა
თვითგამოხატვა
თავდაჯერებულობა
ენობრივი უნარები
ჯერის/რიგის დაცვა
მოქნილობა

რჩევები საუკეთესო შედეგისათვის

უბრალოდ გაერთეთ ამ თამაშით, განაგრცეთ და გამარავალფეროვნეთ ის, როგორც შეგიძლია და ნახეთ, რა მოხდება. შეგიძლიათ თანმხლები მუსიკაც შექმნათ, გამოიყენეთ ტაფები, ქოთნები და კალათები, როგორც დასარტყამი ინსტრუმენტები. იხალისეთ.